



Clypevs Theologiæ Thomisticæ

Continens Tractatus de Beatitudine, de Actibus humanis, eorumque Moralitate; de Virtutibus ac Donis, de Vitiis ac Peccatis, & de Legibus, nec-non Dissertationem Theologicam de Probabilitate

Gonet, Jean-Baptiste

Parisiis, 1669

§. II. Vera sententia triplici conclusione explicatur

[urn:nbn:de:hbz:466:1-77355](#)

S. II.

Vera sententia triplici conclusione explicatur.

Dico primò: Hemo in statu innocentiae nullo modo potuit peccare venialiter, hoc est non potuit committere peccatum, quod vel propter parvitatem materiae, vel propter defectum deliberationis, vel ex genere suo, esset veniale.

96. Probatur primò ratione quam habet Divus Thomas hic qu. 89. art. 3. in *sed contra*. Nihil penale esse potuit in statu innocentiae, sive iustitiae originalis: Sed si homo in illo statu potuisset committere peccatum, quod vel propter defectum deliberationis, vel propter parvitatem materiae, vel ex genere suo, fuisset veniale, aliquid penale eo ipso extitisset in illo statu: Ergo &c. Major est D. Augustini 14. de civit. Dei, citati à D. Thoma, & ratio est, quia ille status erat omnimodo perfectionis, & felicitatis. Minor verò probatur: Ex peccato veniali sequitur reatus pena, etiam sensus: Ergo si homo aliquid peccatum veniale committere potuisset in statu iustitiae originalis, aliquid penale eo ipso in tali statu esse potuisset.

97. Confitatur: Magis repugnabat felicitati statu iustitiae originalis quævis culpa etiam levissima, quam quæcumque pena aut infirmitas corporalis, quoniam est majus malum & major miseria: Ergo sicut fatentur Adversarij, nullam penam aut infirmitatem corporalem potuisse esse in tali statu; ita admittere tenentur, quod neque aliqua culpa venialis poterat in eo reperiri.

98. Ad hoc argumentum respondent Adversarij, quod vel ex peccato veniali tunc non sequeretur reatus pena, sed debitum duntaxat habendi ferventiorē actum charitatis, illius remissivum; vel si ex tali peccato sequeretur reatus pena, tamen pena (inquit) solùm esset quædam displicientia interna, quā remitteretur, non verò pena externa.

99. Sed contra primum est: Actus charitatis non habet quod sit remissivus peccati venialis, nisi inquantum est virtualis pœnitentia de ipso, displicientiam formalem causans circa tale peccatum, quando memorie occurrit: Ergo eo ipso, quod homo in iustitia originali posset habere actum charitatis remissivum peccati venialis, posset habere displicientiam formalem de illo, atque adeò aliquam penam.

100. Contra secundum verò facit, quod non minus felicitati statu innocentiae repugnaret dolor interius, sive displicientia interior, quam dolor externus, sive pena sensibilis. Unde Augustinus loco citato, de illo statu sc̄elicissimo loquens, ait: *Nec aberat quidquam quod bona voluntas adipisceretur, nec inerat quod carnem animunve hominis faciliter viventis offendere.*

101. Probatur secundò conclusio: Si homo in statu innocentiae posset aliquod peccatum veniale committere, v. g. mendacium jocosum proferre, sequeretur quod ex illo actuali mendacio aliquoties repetito posset generari habitus mentandi: Sed ejusmodi habitus repugnat cum statu iustitiae originalis: Ergo & potentia ad peccandum venialiter, sive ex imperfetta deliberatione, sive ex obiecto, sive ex parvitate materiae. Sequela Majoris est evidens: si enim possit homo in iustitia originali aliquod peccatum venia-

A le semel committere, poterit & ipsum iterum atque iterum committere: nulla enim ratio disparitatis assignari potest: ex actibus autem repetitis generatur habitus. Minor verò suadetur: Habitus vitiosus (qualis esset qui produceretur prædictis actibus) cùm ex natura sua inclinet voluntatem ad malum, & ex consequenti inferat in ea difficultatem aliquam in evitacione peccati, & in prosecutione boni, repugnat evidenter perfectioni & felicitati status innocentiae: Ergo &c.

Respondet Almainius loco citato, negando sequelam Majoris, quia (inquit) iustitia originalis impedit, ne generaretur iste habitus.

B Sed contra primo: Iustitia originalis non opponetur formaliter habitui peccati venialis: Ergo illius productionem non impedit.

Contra secundò: Gratia sanctificans, & habitus supernaturales & infusi non impediunt ne ex actibus venialiter peccaminosis generentur mali habitus naturales: Ergo neque iustitia originalis, qua quantum ad perfectionem & effectum primarium non distingueatur à gratia sanctificante, ut ostendimus in Tractatu de statibus humanis naturæ, id poterat impeditre, an s. Tertiò: Habitus naturaliter generantur ex actibus: Ergo si iustitia originalis non posset impeditre productionem alium, non posset etiam impeditre productionem habituum.

Respondent alii, quod Deus impedit hanc generationem, propter dignitatem illius status.

Sed neque hoc placet: Nam si propter dignitatem illius status Deus impedit generationem habitus vitiosi, multò magis impedit productionem actus vitiosi, ut pote pejoris, saltem in genere moris, quam sit ipse habitus.

Tertiò alii dicunt, quod quamvis generaretur illi habitus, tamen à iustitia originali impeditur ne inclinatur ad suum actum; sicut appetitus sensitivus ligabatur ne insurgeret contradictionem.

D Sed hoc etiam frivolum est, nam si iustitia originalis posset impeditre & ligare ejusmodi habitum, non esset ratio cur non posset ligare potentiam, ne exiret in actus peccatorum veniarum, præsertim cùm hoc melius esset quam illud. Hæc conclusio magis patebit ex dicendis in sequenti.

E Dico secundò: Non solùm peccata venialia ex subreptione appetitus, aut ex indeliberatione, sed etiam ex genere, & ex parvitate materiae, repugnabant statu innocentiae ab intrinseco, & ex præcisè doni integratatis.

Probatur primò ratione D. Thomæ hic art. 3. Homo in statu innocentiae non poterat peccare venialiter, antequam peccaret mortaliter, ob infallibilem ordinis firmatatem, quā infirmus continebatur sub superiori: nomine autem inferioris non solùm intelligit D. Thomas appetitum sensitivum, sed etiam rationem inferiorum, quatenus respicit ea quæ sunt ad finem, ut sic enim inferior est quodammodo seipsâ quatenus respicit finem: Ergo sicut ob perfectam subordinationem appetitus sensitivi ad rationem, quam donum integratatis prestabat in statu innocentiae, huic statui ab intrinseco repugnabant peccata venialia ex subreptione appetitus, aut ex indeliberatione (hæc enim non contingunt, nisi cùm appetitus sensitivus antevertit rationem, & ejus judicium perturbat) ita ob perfectam subordinationem rationis inferioris, respicientis

DE PECCATO MORTALI ET VENIALI. 487

media, ad superiorem, quæ considerat finem (quam etiam in statu innocentia donum integratis in homine faciebat, cùm in illo fœlicissimo statu omnia inferioribus suis subjicerentur) repugnabant huic statui peccata venialia ex genere, & ex parvitate materiæ. Nam ut ibidem ait S. Doctor: *Quod humanus animus inordinatur circa ea quæ sunt ad finem, seruato debito ordinem ad finem* (ut contingit quando peccat venialiter, etiam peccato veniali ex genere, aut ex parvitate materiæ) provenit ex hoc quod ea quæ sunt ad finem, non ordinantur infallibiliter sub fine, qui tenet summum locum, quasi principium in appetibiliis.

106. Hanc rationem fusiūs expendit qu. 7. de malo art. 7, ubi sic discurret: *Quia etiam in ratione superiori contingit esse peccatum veniale*, (scilicet ex objecto, aut ex parvitate materiæ) posset aliqui videri, quod saltem illud veniale peccatum in statu innocentie in Adam esse potuit. Sed in hoc eadem ratio inventitur, si quis diligenter consideret. Nam cùm potentie distinguantur secundum objecta, secundum ordinem objectorum est etiam ordo potentiarum: contingit autem & in objectis rationis esse ordinem superioris & inferioris, & in speculativis & in practicis: sicut enim principium indemonstrabile est principium supremum in speculandis, ita finis se habet in operabilibus; unde quandiu superior ratio hominis bene se habuisset circa finem, nullo modo deficere potuisset circa ea quæ sunt ad finem, proper indefectibilem ordinem inferiorum ad superiora, secundum conditionem illius status: sicut & in speculativis, quandiu homo habet rectam existimationem circa principia, nisi sit defectus in connexione principiorum ad conclusiones, non poterit incidere alius defectus circa conclusiones. Manifestum est autem ex supra dictis, quod peccatum mortale est per aversionem à fine; peccatum autem veniale est inordinatio quadam circa ea quæ sunt ad finem: unde impossibile erat hominem in statu innocentie peccare prius venialiter quam mortaliter. Incapacitas ergo peccandi venialiter in statu innocentie, juxta doctrinam D. Thomæ, non proveniebat solum ab extrinseca Dei providentia, Adamum a peccatis venialibus præservante, sed ex infallibili ordinis firmitate, quam donum integratissimis in illo fœlicissimo statu faciebat, ita subjiciendo appetitum inferiorem rationi, & rationem inferiorem superiori, ut neque appetitus sensitivus extraheretur ab imperio rationis, neque ratio inferior à dominio superioris, quandiu ipsa ratio superior, quæ est suprema pars hominis, per humilitatem, obedientiam, & amorem, Deo subiecta & subordinata maneret.

107. Probatur secundò hac conclusio ex dictis in praecedenti: Nam ut ibi ostendimus, ex natura & conditione statu innocentie, atque adeò ab intrinseco, repugnat homini quevis miseria, tristitia, pœna, & habitus vitiosus, ex quo oriuntur difficultas benè operandi: Ergo & quodcumque peccatum veniale, etiam ex genere & parvitate materiæ. Consequentia manifesta est: nam quodcumque peccatum veniale, etiam ex genere, aut parvitate materiæ, miseria est, pœnam & tristitiam penitentia requirit ut remittatur, & habitum vitij generat, si multiplicetur, seu multoties committatur, ut concedunt Suarez, Vazquez, & Curiel, contra quos in praesenti disputamus. Unde illi Authores non loquuntur consequenter, dum ex una parte con-

A cedunt omnem miseriam, tristitiam, & habitum vitiosum, ab intrinseco repugnare statui innocentie, ob summan hujus statu fœlicitatem & perfectionem; & ex alia id negant de peccatis venialibus ex genere, aut ex parvitate materiæ, quæ sunt majus malum, & major miseria, quam quilibet pœna aut infirmitas corporalis, & quæ tristitiam penitentia requirunt ut remittantur, atque habitum vitij generant, si multoties repeatantur, ut ipsi nobiscum arguant contra Scotum, Almainum, & alios defensores prima sententia.

Dico tertio, etiam Angelum non posse peccare venialiter. Ira D. Thomas art. 4.

B Probat: Angelus potest considerari quatuor modis, scilicet ut beatus, ut damnatus, ut creatus in gratia antequam peccaret, & ut conditus in puris naturalibus, hoc est quantum ad id quod ipsi convenit ex conditione sue naturæ: Sed in nullo ex his statibus potest peccare venialiter: Ergo &c. Majot patet, Minor probatur quantum ad singulas partes. Et in primis quantum ad primam, evidens est, quia non minus repugnat peccatum veniale beatitudini Angeli, quam beatitudini hominis: quare sicut homo beatus non potest peccare venialiter, ita neque Angelus beatus. Similiter quantum ad secundam non minus est certa, saltem propter conditionem communem omnium dicatorum, qui ita sunt obstinati in odio Dei, & in superbia, ut ad omnia quæ agunt moveantur ex ejus intentione. Quod aliqui colligunt ex illo Psal. 73. *Superbia eorum quicunque oderunt, ascendit semper*. Tertia vero suadetur ratione quam habet D. Thomas loco citato in argum. Sed contra: Angelus ut conditus à Deo in statu gratiae, non minoris erat perfectionis & fœlicitatis, quam homo creatus in statu justitiae originalis: Ergo si homo in hoc statu fœlicissimo non poterat peccare venialiter, à fortiori nec Angelus in statu gratiae conditus.

C Ultima denique pars, qua non videtur ita certa ac praecedentes, & quæ idcirco à Recentioribus negatur, aut revocatur in dubium, probatur ratione ejusdem S. Doctoris in corpore articuli, quæ si potest proponi. Ille qui non fertur ad ea quæ sunt ad finem, nisi secundum quod stant sub ordine finis, non potest peccare venialiter: Sed Angelus ex sua natura habet: Ergo ex conditione sue naturæ habet quod non potest peccare venialiter. Major patet: quia peccatum veniale committitur per hoc quod quis deordinatè fertur in ea quæ sunt ad finem: Ergo qui non fertur, nec potest ferri in ea quæ sunt ad finem, nisi secundum quod stant sub ordine finis, non potest peccare venialiter. Minor vero suadetur: Sicut se habet angelicus intellectus ad principia & conclusiones, ita se habet ejus voluntas ad finem, & ad media; in appetibilibus

E enim fines sunt sicut principia, ea vero quæ sunt ad finem, sicut conclusiones, ut sepe ait Aristoteles: Sed intellectus angelicus, cùm non sit discursivus, nec procedat à principiis ad conclusiones, scorsim utrumque intelligendo, ut in nobis contingit, non considerat conclusiones nisi prout sunt in principiis: Ergo nec ejus voluntas fertur in ea quæ sunt ad finem, nisi secundum quod stant sub ordine finis: & sic in Angelo non potest esse deordinatio circa ea quæ sunt ad finem, nisi sit deordinatio circa ipsum finem, quæ est peccatum mortale, unde vel nullo modo, vel mortaliter peccat.

110. Confirmatur: Angelus, cùm non habeat duplicitem appetitum, sicut homo, non potest creari nisi cum integritate naturæ, subindeque cum subordinatione & subjectione rationis & voluntatis, prout versantur circa media, ad seipſas prout versantur circa finem: Sed ex tali integritate & subjectione provenit impotensia peccandi venialiter, ut conclusione precedenti ostensum est: Ergo Angelus ex conditione sue naturæ habet quod non possit venialiter peccare.

S. III.

Principia objectiones solvuntur.

111. **C**ONTRA primam conclusionem objicitur primum: Gratia & charitas ex meritis Christi in illo statu perfectius conjungunt hominem Deo & legi, quām conjungeret justitia originalis in statu innocentiae: Sed homo cum gratia Christi potest modò peccare venialiter, priusquam mortaliter: Ergo & Adam id potuit in statu innocentiae, seu originalis justitiae.

112. Secundò: Adam in statu innocentiae merabatur abstinentia à venialibus, ac proinde liberè ab illis abstinebat; cùm libertas sit conditio necessariò requisita ad meritum: Ergo in illo statu poterat peccare venialiter; libertas enim contrarietatis potentiam ad opposita requirit.

113. Tertiò: Qui potest eligere majus malum, à fortiori potest eligere minus: Sed peccare venialiter est minus malum quām peccare mortaliter: Ergo cùm homo in statu innocentiae posset peccare mortaliter, à fortiori poterat peccare venialiter.

114. Quartò: Adamus in statu innocentiae poterat dicere mendacium jocosum cum juramento: Ergo & sine juramento: Sed mendacium jocosum sine juramento est peccatum duntaxat veniale: Ergo Adamus in statu innocentiae poterat peccare venialiter.

115. Quintò: Posset homo in illo statu habere motum infidelitatis non plenè & perfectè deliberatum, sive ex subreptione; potest enim ille motus provenire ex deordinatione aut defectu virium superiorum, sive ullo motu appetitus sensitivi, ut docet D. Thomas supra qu. 74. art. 10. Sed motus infidelitatis non plenè & perfectè deliberatus, est peccatum solum veniale: Ergo idem quod prius.

116. Sextò: Sicut Deus prohibuit primis parentibus eorum ligni vetiti sub mortali, ita potuisset illum prohibere solum sub veniali; cùm eis ille de se non esset malus: Sed hoc dato, potuisset Adam violare præceptum illud: Ergo potuisset peccare venialiter.

117. Denique: Datur status in quo potest homo peccare mortaliter & venialiter, nempe iste in quo existimus; inventur etiam aliis status, nimirum beatitudinis æternæ, in quo non potest quis peccare venialiter nec mortaliter; immo status in quo non potest peccare venialiter, sed solum mortaliter, videlicet status damnationis æternæ: Ergo similiter dari poterit status, in quo possit peccare venialiter, & non mortaliter, ipso durante: ille autem status non potest alias excogitari, quām status naturæ integræ, sive justitiae originalis: Ergo in eo Adam poterat peccare venialiter.

118. Hæc argumenta, licet primo aspectu appa-

reant difficultia, ex fundamentis tamen supra in probatione primæ & secundæ conclusionis statutis facile dilui possunt. Unde ad primum, confessa Majori & Minoris, neganda est Consequentia: quia, ut rectè advertunt Cajetanus & Conradus, committitur in eo iste defectus, quod assumitur pro causa conclusionis id quod verè non est causa; nam causa propter quam homo in statu innocentiae non potest peccare venialiter, non esset coniunctio hominis cum Deo, sed perfecta subordinationis inferiorum ad superiora, vel ut loquitur D. Thomas, *infallibilis ordinis firmitas*, quā appetitus inferior rationi, & ratio inferior respiciens media, superiori finem consideranti & intendentib; plenè subiciebantur, ratione doni integratissimæ, quem effectum non habet gratia medicinalis Christi in isto statu.

Ad secundum respondetur Adamum inertuisse vitando venialia, quia licet in sensu composito, seu retinendo justitiam originalem, non esset liber ad peccandum venialiter, simpliciter tamen & absoluè liber erat, quatenus poterat removere prohibens, scilicet justitiam originalem, illam destruendo per peccatum mortale: sicut dici solet de eo cuius unicum tantum est medium ad consecutionem finis; licet enim supposita intentione finis, ille non sit liber circa tale medium, absoluè tamen est liber, quia potest cessare ab intentione finis, & quia necessitas ex suppositione, maximè si sit dependens à libero arbitrio, non auferit libertatem, ut saepe dictum est; unde ratione talis libertatis potest esse meritum in electione talis mediij.

Ad tertium dicendum, non esse inconveniens, 119. hominem in statu innocentiae non potuisse eligere minus malum, antequam eligeret majus: nam majus malum, quale est peccatum mortale, ita opponitur integritati illius status, ut ipsam corrumpere valeat, & hominem justitiam originali privare: minus autem malum, quale est peccatum veniale, *Nec privare justitiam originali poterat, cuius principium erat in ordine superioris partis ad Deum*, à quo veniale peccatum non separatur: nec simul poterat cum ea esse, propter ordinem inferiorum sub superiori, ut in 2. dist. 21. qu. 2. art. 3. ad 4. & hic art. 3. ad 3. ait D. Thomas. Unde cùm homo potest integratem illius status destruere, & illa manente nullam posset inordinationem appetitus, vel rationis inferioris habere, poterat eligere majus malum, scilicet peccatum mortale; minus vero malum, scilicet peccatum veniale, non poterat immediate eligere, antequam majus eligeret; sicut non poterat eligere tristitia, aut pœnam habere, ante culpam.

Ad quartum respondeo, quod quamvis Adam 120. in statu innocentiae potuerit dicere mendacium jocosum sine juramento, non tamen propterea sequitur quod potuerit peccare venialiter, priusquam mortaliter: quia in illo statu non poterat dicere mendacium, nisi vel ex contemptu, aut constituto in eo ultimum finem, aut alio modo peccando mortaliter: nam ut vidimus ex D. Thoma, ratione perfectæ subjectionis inferiorum ad superiora, quam donum integratissimi præstabilit, homo non poterat in felicissimo illo statu prius deordinari circa media, quām circa finem. Unde

Ad quintum, nego Majorem: motus enim imperfectè deliberatus in ratione superiori, non potest provenire nisi ex subreptione, neque adeo ex deordinatione vel appetus sensitivi,

vel